

**ბეგლარ ახოსპირელის ქუჩისა და ერთი ტაძრის ლოკალიზაციის
საკითხისათვის ვახუშტი ბატონიშვილის რუკაზე**

ჩვენ კვლევაში შევეცდებით ვახუშტი ბატონიშვილის 1735 წლით დათარიღებულ თბილისის რუკაზე¹ განვსაზღვროთ ბ. ახოსპირელის ქუჩის ჩანასახი და მასთან დაკავშირებული თავისებურებანი. ასევე შევეხებით, ამავე რუკაზე, *მოღნიის* სახელით დღემდე ჩვენთვის ცნობილი ეკლესიის საკითხს.

უპირველეს ყოვლისა, განვიხილოთ ვახუშტი ბატონიშვილის 1735 წლის თბილისის გეგმაზე დღევანდელი შ. დადიანის, მ. ლერმონტოვის, ბ. ახოსპირელისა და ლ. ასათიანის ქუჩებს შორის მოქცეული მიკროუბნის ლოკალიზაციის საკითხი. (სურ. 1)

ვახუშტის გეგმის ე. ბერიძისეულ² გარჩევაზე დაყრდნობით ადვილია ასათიანისა და ლერმონტოვის ქუჩებს შუა მოქცეული, სივრცის მონიშვნა. აქ ორიენტირად *ვეთხაინო*³ (იგივე 'ზემო ბეთლემის ტაძარი') გამოგვადგება, რომელიც პირდაპირ გადმოჰყურებს ლ. ასათიანისა და ბ. ახოსპირელის ქუჩების შესაყარს და დღევანდელი ტოპოგრაფიის მიხედვით *მოღნიის* ეკლესიასთან თითქმის ერთ პორიზონტალურ ღერძზე მდებარეობს.

როგორც ცნობილია, ვახუშტი ბატონიშვილის გეგმაზე მხოლოდ ყველაზე მნიშვნელოვანი ქუჩები, ტაძრები, სავაჭრო ობიექტები და სამეფო ოჯახის რეზიდენციებია ასახული. ქალაქის დანარჩენი საცხოვრებელი უბნები, სადაც სავარაუდოდ ქალაქის მცხოვრებთა სახლები უნდა ყოფილიყო, გამხილოებულია. რუკაზე არც ვიწრო ქუჩები და შუკებია აღნიშნული, რომლებიც მრავლად იქნებოდა გვიანშუასაუკუნოვან თბილისში. მითუფრო ყურადსაღები ხდება თითოეული მინიშნება თუ მრუდე ხაზი, რომელსაც ვახუშტი რუკაზე აღნიშნავს.

ზემოთ აღნიშნული უბნის იდენტიფიკაციისას, ყურადღებას იქცევს ერთ-ერთი ასეთი მრუდი, უცნაური მოყვანილობის ჩიხური ქუჩა. ვახუშტის გეგმის მიხედვით, ის 'ზემო კალას დასავლეთით, ქალაქის გალავნის სიახლოვეს ჩანს. ეს მრუდი ამჟამინდელი ასათიანის ქუჩის მართობულია. იგი 'ზემო კალას შუაგულისკენ, ჩრდილოეთით, ლ. გუდიაშვილის მოედნისა და მ. ლერმონტოვის ქუჩისკენ არის მიმართული, შემდეგ მკვეთრად უხევს დასავლეთით (ამჟ.

განსაკუთრებულ მადლობას ვუხდით მ. შიშიგურს გაწეული ხელმძღვანელობისათვის – მ. მანიასა და მ. ბერძნიშვილს კონსულტაციისათვის.

¹ დედანი დაცულია ხელნაწერთა ეროვნულ ცენტრში, ფ. №2079.

² ე. ბერიძე; XVIII საუკუნის თბილისი ვახუშტის გეგმის მიხედვით. ანალები, ტ. I, თბ., 1947, გვ. 127-144.

³ სიზუსტისთვის ვარჩიეთ ტაძრის ეს სახელწოდება.

დადიანის ქუჩისკენ) და ჩიხურად მთავრდება. ისტორიული რუკების⁴ შედარებისას გამოიკვეთა, რომ ეს მრუდი დღევანდელ ბ. ახოსპირელის ქუჩას ესადაგება, როგორც ადგილ-მდებარეობისა და ქუჩის მოხაზულობით, ასევე *ფეთხაინთან* მისი მიმართებით (სურ. 1).

უფიქრობთ, რომ ვახუშტი ბატონიშვილის რუკაზე დატანილი ეს მრუდი ახოსპირელის ქუჩისა და მისი III ჩიხის განმსაზღვრელი უნდა ყოფილიყო, საქლავთმშენებლო კონტექსტიდან გამომდინარე, რუკაზე ამ ქუჩის არსებობა კი მის ისტორიულ-სტრუქტურულ მნიშვნელობას უხვამს ხაზს. როგორც ჩანს, XVIII საუკუნის დასაწყისისათვის ახოსპირელის ქუჩის ხაზი ზოგადი სახით უკვე ჩამოყალიბებული ყოფილა. მ. დადიანის, მ. ღერმონტოვის, ბ. ახოსპირელისა და ლ. ასათიანის ქუჩებს შორის მოქცეული ახოსპირელის სამი ჩიხი კი, თითქმის დღევანდელი სახით, უკვე ჩუიკოს 1800 წლის თბილისის გეგმაზე ჩანს.

აქვე ყურადღება გვინდა გავამახვილოთ ვახუშტის რუკის მიხედვით, მრუდსა და ქალაქის გაღავანს შორის მოქცეულ, ე.წ. „*ბეჟანის ბაღის*“ სიახლოვეს მდებარე ტაძარზე. იგი 1880 წელს რუკაში შეტანილი ცვლილებების გამო *მოღნისად* არის მიჩნეული.

თუ ჩვენ ვახუშტი ბატონიშვილის რუკაზე მითითებულ მრუდს ახოსპირელის ქუჩის მონახაზად გავიაზრებთ, ვახუშტის მიერ ნაჩვენები ეკლესია სწორედ ახოსპირელის ჩიხების ტერიტორიაზე მოექცევა, რაც, თავის მხრივ, არ ემთხვევა ჩვენამდე მოღწეული *მოღნისის* ტაძრის მდებარეობას. დღეს *მოღნისის* ეკლესია ასათიანისა და ახოსპირელის ქუჩების გადაკვეთის სიახლოვეს დგას, ხოლო ვახუშტის მიერ რუკაზე ნაჩვენები ტაძარი დღევანდელი მოღნისის მდებარეობის მოპირდაპირე მხარეს, ქუჩის გადაღმა, განაშენიანების სიღრმეში იკითხება. (სურ. 2)

როგორც ვიცით, ბატონიშვილი ვახუშტის თბილისის რუკა ხელით, ყოველგვარი საზომი ინსტრუმენტების გარეშეა შესრულებული. მისი პირობითი ხასიათიდან გამომდინარე, შეიძლება გეგმისათვის ასეთი სიზუსტე არ მოგვეთხოვა, რომ არა რამდენიმე გარემოება.

როგორც ცნობილია, 1880 წელს ვახუშტის თბილისის რუკა რუსულ ენაზე გამოსაცემად მომზადდა⁵. გაკეთდა მისი ასლი და ექსპლიკაციაში შესწორებები შევიდა. ერთ-ერთი ასეთი შესწორება შეეხო *ფეთხაინსა* და *მოღნისის* ეკლესიას. რუკის დედანზე „*სალაღაიის ქედზე*“ მდებარე ტაძარი *მოღნისად* იყო მოხსენებული. ეს ტაძარი თავისი ადგილმდებარეობით *ფეთხაინს*, იმავე ბეთლემის ეკლესიას შეესაბამება, რომელიც ამ ტერიტორიაზე, ზემოთ ნახსენები ორი სახელით ცნობილი, XVII საუკუნეშიც ასერბობს თბილისში. შესწორებისას, როგორც ჩანს, ამ გარემოებას ყურადღება მიაქციეს და ტაძარს ექსპლიკაციაში მოღნისის სახელი სამართლიანად მოაცილეს, ხოლო *მოღნისად*

⁴ ვახუშტის 1735 წ.-ის თბილისის რუკა, აღუქსანდრე პიშჩევიჩის 1785 წ.-ის თბილისის გეგმა, ჩუიკოს 1800 წ.-ის თბილისის გეგმები (უკანასკნელის დედანი დაცულია მოსკოვში, ЦГБИА ф ВУ А №22660). თბილისის აეროფოტო (მოგვაწოდა კარტოგრაფიულმა სახელოსნო გისლაბმა).

⁵ ვ. ბერიძე, დასახ. ნაშრ., გვ. 139; მ. ბერძინიშვილი, თბილისის გარეგანი სახე XVIII საუკუნეში, თბ., 1965, გვ. 3.

მრუდის დასავლეთ ნაწილში მოთავსებული. ზემოთ ნახსენები ეკლესია განმარტეს. ეს უკანასკნელი დედნის ექსპლიკაციაში მოხსენიებული არ ყოფილა. ვუიქრობთ, რომ ეს ფაქტი მეტად საყურადღებოა.

არსებობს კიდევ ერთი მნიშვნელოვანი გარემოება. მიუხედავად იმისა, რომ ეს რუკა ინსტრუმენტების გარეშეა შესრულებული, იგი ბევრ ზუსტ ინფორმაციას გვაწვდის, თუნდაც ტაძართა გარეგანი სახის შესახებ. ვახუშტი ბატონიშვილი საოცარი სიზუსტით გადმოგვცემს ამა თუ იმ ტაძრის იერს. გეგმაზე დატანილ გამოსახულებათა შედარებისას უგუშბათო ტაძარი მკაფიოდ განირჩევა გუმბათიანისაგან, ცალნავიანი სამლოცველო სამნავიანი ანჩისხატისაგან, „ღათინო საყდარიც“ მკვეთრად გამოხატული ინდივიდუალობით ხასიათდება. ჩვენთვის ცნობილი ტაძარების დღევანდელ სახესთან შედარებისას კიდევ ერთხელ ვრწმუნდებით ამ გამოსახულებათა სიზუსტეში (სურ. 3).

ვახუშტის მიერ ჩიხებში მოქცეული, *მოღნისად* ცნობილი ეკლესია თავისი გარეგანი სახით უგუშბათო ტაძარია (საეარაუდოდ ბაზილიკა). უ. შარდენის „მოგზაურობას“ დართულ ჩანახატზე მითითებული „მოენაი“, იგივე *მოღნისი* კი – გუმბათიანი (სურ. 4).

როგორც ვიცით, შარდენმა თბილისში 1673 წელს იმოგზაურა, შესაბამისად, ჩანახატზე XVII საუკუნის მეორე ნახევრის თბილისია ასახული. ამდენად, ეს გამოსახულება ქრონოლოგიურად წინ უსწრებს ვახუშტის თბილისის რუკას, მათ შორის დაახლოებით 62 წლიანი შუალედია. ამ შუალედში ძნელი წარმოსადგენია გუმბათიანი ტაძარი ბაზილიკით შეცვლილიყო. ვინაიდან, როგორც ისტორიული წყაროებიდან ირკვევა, *დიდი მოღნისის* ტაძარი 1751 წ. შენდება, ხოლო *მცირე მოღნისის* სახელით ცნობილი ტაძრის საფუძვლიანი გადაკეთება მხოლოდ 1754 წელს ხდება. საეარაუდოდ, შარდენი სწორედ ამ უკანასკნელ ტაძარს გვიჩვენებს

“ვახუშტი ეკლესიებსა და მნიშვნელოვან ობიექტებს აქსონომეტრიულად გვიჩვენებს.

⁷ მართალია, ვახუშტის რუკა 1735 წ.-ით არის დათარიღებული, მაგრამ, როგორც ვიცით, ის ამ დროისათვის უკვე II წლის წახელი იყო საქართველოდან. საეარაუდოდ, მას მასალები ემიგრაციაში მოაქვს თან და ნაშრომს მისკოვში ასრულებს. შესაბამისად, შეგვიძლია ვივარაუდოთ, რომ ვახუშტი XIII ს.-ის 10-20-იანი წლების თბილისის სურათს გვიჩვენებს. ეს კი, თავის მხრივ, ზემოთ ნახსენებ გამოსახულებებს შორის არსებულ შუალედს ამცირებს.

⁸ პ. იოსელიანის ცხობით, *მოღნისის* ეკლესია 1751 წ.-ს აშენდა (იგულისხმება დღემდე ამ სახელით ჩვენთვის ცნობილი ტაძარი), მის გვერდით კი დგას *პატარა მოღნისის* სახელით ცნობილი ეკლესია (დღეს ის აღარ არსებობს). პ. იოსელიანი იქვე უმატებს, რომ ეს უკანასკნელი აშენდა ან გადაკეთდა 1754 წ.-ს და რომ ის ძველი ტაძრის შთაბეჭდილებას ტოვებს (პ. იოსელიანი, „Описание древностей города Тифлиса“, 1866 წ., გვ. 233). ტაძარი ამ სახელწოდებით შარდენის დროსაც არსებობს, ამას მოწმობს როგორც შარდენის „მოგზაურობაში“, მათხრობილი ლეგენდა ტაძრის შესახებ, ასევე გრავეურაზე დატანილი *მოღნისის* ტაძრის გამოსახულება (შარდენის მოგზაურობა, თბ., 1974, გვ. 321). შარდენის თხზულებაში ნახსენებ ლეგენდას დ. ნინიძე ეხება თავის სტატიაში. ის XVII ს.-ის სომეხი ისტორიკოსის ცნობებზე დაყრდნობით ვარაუდობს, რომ ამ სახელწოდებით ტაძარი დავით VIII (1293-1311 წწ.) მეფობის დროს უნდა აშენებულიყო. საეარაუდოდ, ამ დროს ხდება თბილისში სომხეთიდან წმ. გიორგის წმინდა ნაწილების გადმოსვენება (დ. ნინიძე, წმინდა გიორგის კულტის ისტორიიდან საქართველოში, „მნათობი“, 1991, №11-12, გვ. 163-176). პ. მერაღიანის მიერ განხილული ტაძრის ემიგრაციიდან ირკვევა, რომ *დიდი მოღნისი*, მართლაც, ღმრთისმშობლის სახელზე 1751 წ.-ს იგება, ხოლო *მცირე მოღნისის* განახლება 1754 წ.-ს ხდება. ეს უკანასკნელი წმ. გიორგის სახელს ატარებს და მისი განახლების დროს იქ წმინდანის წმინდა ნაწილები ინახებოდა (П. Мурадян, Армянская Эпиграфика Грузии, Тб., 1988, გვ. 44-48). როგორც ირკვევა, დღევანდელი *მოღნისის* ტაძარი მართლაც 1751 წ. არის აშენებული და ის ვახუშტის გეგმაზე ვერ მოხვედებოდა, მაგრამ ამ დროისათვის თბილისში არსებობს *მოღნისის* ტაძარი, რომელმაც XVIII ს.-ის მეორე ნახევარში *მცირე მოღნისის* სახელი მიიღო და რომელიც, საეარაუდოდ, თბილისში XIV ს.-ის დასაწყისში დაარსდა.

მის გადაკეთებამდე, იმ სახით, რომელიც XVIII საუკუნეშიც არსებობდა. სხვა-ნაირად ვახუშტის მიერ ექსპლიკაციაში ფეთხაინის მოღწისად მოხსენიება ძნელი ასახსნელია. უნდა ვიფიქროთ, რომ ვახუშტის დროინდელი *მოღწისი* ასევე გუმბათიანი ტაძარი უნდა ყოფილიყო.

ტაძრის მდებარეობა რუკაზე, მისი გარეგანი სახის შედარება შარდენის ჩანახატთან და ექსპლიკაციასთან დაკავშირებული ვითარება საფუძველს გვაძლევს ვივარაუდოთ, რომ ვახუშტი რუკაზე სხვა ტაძარს გვჩვენებს. მოღწისის ტაძარი კი, რომელიც მის დროს უდაოდ არსებობს, საერთოდ არ დააქვს რუკაზე.

არსებობს კიდევ ერთი გასათვალისწინებელი ფაქტი: ჩუიკოს 1800 წლის თბილისის გეგმაზე⁹. ამ უბანში წმ. გიორგის სახელობის ოთხი ეკლესიაა დატანილი. ისინი ერთი სახელის ქვეშ არიან გაერთიანებული და ექსპლიკაციის №46, 47, 48 და 49-ს შეესაბამება (სურ. 5). ამათგან ორი – *დიდი და მცირე მოღწისია*. *დიდი მოღწისის* მდებარეობა რუკაზე ზუსტად შეესაბამება დღევანდელ სურათს. დარჩენილი ორი ტაძრიდან ერთი დღევანდელი ასათიანის ქუჩისა და დადიანის ქუჩების გადაკვეთის სიახლოვეს, კლდის უბნის ძირში, ქუჩის განაპირას უნდა მდგარიყო. ერთიც – ახლანდელი ახოსპირელის III ნიხში. არც *მცირე მოღწისი* და არც ეს ბოლო ორი ტაძარი დღეს აღარ არსებობს¹⁰.

ვახუშტისა და ჩუიკოს გეგმების შედარებისას ვახუშტის მიერ ნაჩვენები ტაძარი, თავისი ადგილმდებარეობით, სწორედ 1800 წელს თბილისის გეგმაზე ნიხებში დატანილ, ამ ბოლო ეკლესიის ადგილმდებარეობას ემთხვევა.

და მაინც, რა ტაძარს გვჩვენებს ვახუშტი? შეიძლება თუ არა ვახუშტის მიერ მრუდთან ნაჩვენები ტაძრისა და 1800 წლის თბილისის გეგმაზე ნიხებში ნაჩვენები ტაძრის გაიგივება?

ამ შეკითხვებზე პასუხის გასაცემად შეიძლება დაგვეხმაროს 1785 წლის¹¹ თბილისის პიშჩევიჩის რუკა. აქვე უნდა ითქვას რომ თბილისის ეს გრაფიკული გამოსახულება სიზუსტით არ გამოირჩევა, მიმართებები არ არის დაცული და, მეტწილად, ზოგადი ხასითისაა; ამ რუკის მიხედვით იმდროინდელ თბილისის ურბანულ სახეზე წარმოდგენის შექმნა ჭირს. მიუხედავად ამისა, ახლანდელი ასათიანის ქუჩაზე, მრუდთან, ჩვენ შეგვიძლია გავარჩიოთ ე.წ. *კოშმანის* ეკლესია, ექსპლიკაციის №41 (სურ. 5).

შესაძლოა 1785 წლის თბილისის *კოშმანის* ეკლესია ვახუშტისა და 1800 წლის გეგმების შემაერთებელი რგოლი იყოს და, რუკის არაზუსტი ხასიათიდან გამომდინარე, ტაძრის უშუალოდ ქუჩაზე განთავსება რუკის ზოგადი ხასიათით აეხსნათ.

⁹ ეს რუკა სასოში ხელსაწყოებით არის შესრულებული და იმდროინდელი თბილისის ზუსტ ურბანულ სურათს გვჩვენებს.

¹⁰ მცირე მოღწისი, საკარაუდოდ, XIX ს.-ის ბოლომდე უნდა მდგარიყო, დანარჩენი ორი ტაძარი კი თბილისის რუკებზე XIX ს.-ის მეორე ნახევარშიც აღარ გვხვდება.

¹¹ არსებობს 1782 წ.-ის თბილისი გეგმაც, რომელიც 1785 წ.-ის გეგმის იდენტურია. ჩვენ ვიხელმძღვანელებთ მ. ბერძენიშვილის წიგნს დართული ექსპლიკაციით და საქართველოს კულტურის, სპორტისა და ძეგლთა დაცვის სამინისტროს ისტორიულ-კულტურული საკრდენი გეგმების ციფრული ვარიანტით.

მაგრამ აქვე ეჭვს იწვევს ტაძრის სახელწოდება. თუ იგი 1785 წლის გეგმაზე *კოშმანის* (*კოშმა* და *დამიანეს*?) სახელს ატარებს, რატომ არ მოიხსენიება 1800 წლის რუკაზე იგივენაირად? ტაძარი ამ სახელწოდებით, რომ აღარაფერი ვთქვათ ვახუშტის რუკაზე, ჩუიკოს გეგმაზე საერთოდ არ ჩანს. თუ ჩვენ *კოშმანის* ეკლესიას ჩუიკოს გეგმის წმ. გიორგის სახელით ცნობილ ეკლესიასთან გავაიგივებთ, მაშინ რას უნდა გამოეწვია სახელის შეცვლა?

ამის გასარკვევად ჩვენ 1800 და 1785 წლების რუკების ექსპლიკაციების ხასიათი უნდა შევადაროთ ერთმანეთს¹². აღმოჩნდება, რომ ჩუიკო მოიხსენიებს ტაძრებს მხოლოდ იმ წმინდანის ან (სიწმინდის) სახელით, ვისაც ესა თუ ის ეკლესია ეძღვნება. გეგმის ექსპლიკაციაში ტაძრების „ხედმეტსახელები“, ისეთები, როგორიც არის „*ნორაშენი*“, „*სააკაშენი*“ „*მოღნიში*“ და ა.შ. საერთოდ არ გვხვდება. ექსპლიკაციას სისტემური ხასიათი აქვს. საპირისპირო სურათი გვხვდება პიშჩევიჩის 1785 წლის გეგმის ექსპლიკაციის ანალიზისას. აქ ტაძრების მოხსენიება ხდება როგორც „ხედმეტი სახელებით“, ასევე წმინდანთა სახელობის მიხედვითაც. რჩება შთაბეჭდილება, რომ ტაძრის მოხსენიება წმინდანის სახელით მხოლოდ მაშინ ხდება, როცა ეკლესიას სხვა სახელი არ აქვს. ჩვენი დაკვირვებით, „ხედმეტსახელები“, ძირითადად, სომხური ეკლესიების შემთხვევაში გვხვდება. ეს კი, გარკვეულწილად, ართულებს ტაძართა იდენტიფიკაციის საკითხს.

აქვე უნდა აღინიშნოს ტაძრების სახელწოდებებთან დაკავშირებული კიდევ ერთი თავისებურება. შეიძლება ტაძარს „ხედმეტსახელად“ ქტიტორის სახელი შერჩენოდა. ასეთ მაგალითს *სააკაშენის* ეკლესია წარმოადგენს (პიშჩევიჩის გეგმის №37 და ჩუიკოს გეგმის №43). როგორც ექსპლიკაციდან ჩანს, 1800 წლისთვის ეს ეკლესია უკვე დანგრეულია. იგი წმ. იოანე ნათლისმცემლის სახელსეა აგებული (ამავე სახელით მოიხსენიება 1800 წ.-ის გეგმაზე), მაგრამ მისი აღმშენებლის სახელით არის ცნობილი¹³, რომელიც ამავე უბანში ცხოვრობდა.

ხომ არ მეორდება იგივე *კოშმანის* ეკლესიის შემთხვევაშიც? ხომ არ შეგვიძლია ვივარაუდოთ, რომ *კოშმანის* ეკლესია არა წმიდათა კოშმა და დამიანეს, არამედ წმ. გიორგის სახელზე იყო აგებული, ხოლო სახელი „*კოშმანი*“ მას გარკვეულ გარემოებათა გამო შეერჩა?¹⁴

სააკაშენის ეკლესიასთან კიდევ ერთი საინტერესო ფაქტია დაკავშირებული, რომელიც, ეფიქრობთ ჩვენ მოსასრებას უფრო ამყარებს.

ტაძრის ეპიგრაფიკიდან ირკვევა, რომ იგი 1703 წელს ვახტანგ VI-ის დავალებით აშენდა¹⁵. იმ დროისათვის, როდესაც ვახუშტი ბატონიშვილი რუკას ადგენდა, სავარაუდოდ ტაძარი თბილისში უკვე უნდა მდგარიყო. ვახუშტი ბატონიშვილს კი ეკლესია რუკაზე არ დააქვს. ამის საფუძველზე შეიძლება ვიფიქროთ, რომ ვახუშტი იმ დროისათვის თბილისში არსებულ ეკლესიათაგან მხოლოდ ზოგიერთს გვინვენებს.

¹² მ. ბერძნიშვილი; დასახ. ნაშრ., გვ. 80-87.

¹³ იქვე, გვ. 30-31; П. Мурадян, Армянская Эпиграфика Грузии, Тб., 1988, გვ. 84-85.

¹⁴ უნდა აღინიშნოს, რომ *კოშმანის* ეკლესიასთან დაკავშირებით მასალის შეგროვება გააგიჟირდა და მასთან დაკავშირებული წყაროები საკმაოდ მწირიკაა.

¹⁵ П. Мурадян, დასახ. ნაშრ., იქვე; მ. ბერძნიშვილი, დასახ. ნაშრ., იქვე.

თბილისის აღწერისას იგი წერს: „არს კუალად დაბაღსა ციხესა შინა ეკლესია გუმბათიანი და აწ ცარიელი, და სხუანი გუმბათიანნი არიან. უპყრავთ სომეხთა. უგუმბათო აღაშენა კარის საყდრად სწდ დედოფალმან მარიამ. კუალად აღაშენა ყწ მეფემან ვახტანგ ორი უგუმბათო. ყწ დედოფალმა როდამ აღაშენა ერთი უგუმბათო. კუალად უგუმბათო ოთხი აწ უპყრავთ სომეხთა“¹⁶. შემდეგ აბზაცში ვახუშტი გადადის ისნის აღწერაზე, რაც გვაფიქრებინებს, რომ ზემოთ ნახსენები ოთხივე ტაძარი კალაში უნდა ვეძებოთ.

ვახტანგ V (შაჰნავაზის) დროს აგებული ამ ოთხი უგუმბათო ეკლესიიდან მხოლოდ ერთის იდენტიფიკაცია ხერხდება. ეს არის დედოფალ მარიამის მიერ აგებული კარის საყდარი, რომელიც განახლებული სახით შავთელის ქუჩაზე დღესაც დგას. სადღაა დანარჩენი სამი? ხომ არ შეიძლება ვიფიქროთ, რომ ვახუშტის რუკაზე ნიხთან დატანილი უგუმბათო ტაძარი ერთ-ერთი მათგანია?

ამრიგად, დღევანდელი ბ. ახოსპირელის ნიხებთან ნახევნები ტაძარი დასაშვებია არ იყოს მოღნიშნის ეკლესია.

ვარაუდის სახით შეგვიძლია ვთქვათ, რომ ჩუიკოს 1800 წლის თბილისის რუკის №49, პიშჩევიჩის 1785 წლის №41 და ვახუშტის მიერ ბ. ახოსპირელის ნიხების ტერიტორიაზე ნახევნები ეკლესია შესაძლოა ერთი და იგივე ტაძარი ყოფილიყო, რომელიც, თავის მხრივ, ვახტანგ V-ის დროს აიგო.

Nano Zazanashvili





On the Localisation of B. Akhospireli Street and One Church on Prince Vakhushti's Map

On the Tbilisi map made by Prince Vakhushti in 1735, apart from main streets, squares and churches, a space is indicated in the area between present L. Asatiani and M. Lermontov streets. Within this space attention is drawn by a street of a strangely curved shape – it seems likely to be identifiable as a germ of the present B. Akhosporeli street and its 3rd cul-de-sac.

Identification of the church indicated here is more difficult. In 1880, when Vakhushti's map was being prepared for publication in Russian, the church was identified as Mognisi church. However, in relation to the present church, it is shown on the opposite side of the street; besides, it is shown as a domeless church, while in 1676, J. Shardin mentions it as a domed church; on the other hand, Prince Vakhushti always indicates general appearance of the churches with great precision. The supposition that this might be a result of the church transformation gives no explanation, since extant large church is doubtlessly built in the 1751, while its predecessor, “Minor Mognisi” church was transformed in 1754. Thus, it seems likely that some other church is shown on Prince Vakhushti's map.


¹⁶ ვახუშტი ბატონიშვილი, აღწერა სამეფოსა საქართველოსა, ქართლის ცხოვრება ტ. IV, თბ., 1973, გვ. 336.

1800 Tbilisi map (by Chuiko) records four churches of St. George in this quarter – one of them, in the present B. Akhospireli 3rd cul-de-sac. Besides, on 1785 Tbilisi map (by Pishchevich) „Kozmani” church is indicated on the present L. Asatiani street. „Kozmani” might point to the dedication of the church to Sts. Cosmas and Damian – in this case, it is hard to understand, what could have been the reason of changing the church dedication. However, it might equally be a „nickname” (e.g. „Norasheni”, „Saakasheni”, etc.), indicative of the church donor or some other circumstances. Chuikov’s map does not mention such „nicknames”, while Pishchevich uses them sporadically. Accordingly, the church under discussion might be identified with one of the churches built in the reign of the King Vakhtang V in the 17th c., which are mentioned by Prince Vakhushti.




- 1-2. ვახუშტი ბატონიშვილის
1735 წ. თბილისის გეგმა
3. ა. პიშჩევსკის 1785 წ.
თბილისის გეგმა
4. ჩუიკოს 1800 წ.
თბილისის გეგმა
5. 2000 წ. თბილისის
აერო ფოტო

- ა - შ. დადიანის ქ.
ბ - ლ. ასათიანის ქ.
გ - ბ. ახოსპირელის ქ.
დ - მ. ლერმონტოვის ქ.
ე - გუდიაშვილის მოედანი
ვ - ბეთლემის ტაძარი (ფეოფანი)
ზ - ბ. ახოსპირელის III ნიხი
თ - მოღნისი
ი - პატარა მოღნისი
კ - კოშმანი სომხური
ეკლესია




სურ. 2 ა - ბეთლემი;

ბ - მოლნისი




ა - კლდის უბნის საყდარი, ბ - ლათინთ საყდარი, გ - ანჩისხატი, დ - მამასახლისის საყდარი, ე - უსახელო ეკლესია (1880 წ. ვახუშტის რუკის გამოცემის შემდეგ მოლნისად მიჩნეული)



ა - მოლნისი (იგივე მოგნაი ნ.ზ.), 1673 წ. შარდენის გრაფიურა.

ბ - მოლნისი, 1880 წ. გამოცემის მიხედვით



- I. 1785 წ. თბილისის გეგმა:
 37. სომხთა ეკლესია საჰაკაშენი
 39. სონხთა ეკლესია მოლნინი
 41. სომხთა ეკლესია კოზმანი
 43. სომხების ეკლესია ფეთხაინი
 - II. 1800 წ. თბილისის გეგმა:
 42. ღმრთისმშობლის სახელობის ბეთლემის ეკლესია (იგივე ფეთხაინი ნ.ზ.)
 43. დანგრეული, იოანე ნათელის მცემლის სახელობის ეკლესია (იგივე კოზმანი ნ.ზ.)
 46. 47. 48. 49. წმ. მოწამე გიორგის სახელობის ეკლესიები (47, 48 შეესაბამება დიდ და მცირე მოლნის ნ.ზ.)
- *დანომრილია ექსპლიკაციების ნუმერაციის შესაბამისად.